



Leioako Kanpuseko kafetegi handiko sarreran ikasle presoek argazkiak jarri ohi zituzten Presoen Aldeko Batzordekoek ikasturtearen amaieran. Protecsak kendu egin zituen bi aldiz, eta azkenik irudiko pintada geratu zen.
XOUSE SIMAL

tecsa, argazkiak kendu arren, presoek gurekin jarraituko dute. Medikuntza eta Gizarte Zientziak, bi eredu kontrajarri

EHUko Medikuntzako Fakultateak pasilo luzeak ditu. Hotza da fakultatea; ez dago zaratarik batere. Hormak garbi-garbi daude; kartelak jartzeko panelak ere hutsik dira. Kazetaritzako Fakultatea guztiz kontrakoa da. Kartelak bata bestearen gainean pilatzen dira. Ez dago horma garbia duen metro karrauko pareta puska bat ere. Egoera bi hauek esanahi bat badutela azaldu digu Ander Iturriotz soziologo eta EHUko irakasleak: «Unibertsitatea iritzi liberako espazioa da, eta bertan ikasten duten ikasleak mezu kontsumitzaile handiak dira. Honen ildotik, esan behar da fakultate batzuetan kontsumitzeko behar hori besteetan baino handiagoa dela, arazo kolekti-

Opusen asoziazionismoa debekaturik

NAFARROAKO Unibertsitatean asoziazionismoa debekatuta dago, eta, beraz, ikasle erakundeek ez daukate kartelik jartzetik unibertsitate horretako hormetan, Ander Izagirre ikasleak jakinarazi digunez. Instituzioaren informazio ofiziala da informazio bakar eta nagusi. Kartel kulturalak eta antzekoak jar daitezke, Anderrek adierazi duenez, baina ez hormetan, kristaldegi ba-

tzuetan baizik, baimena izanez gero.

Honen ildoan, Ander Iturriotz soziologoak dio Opusen ez dutela onartzen unibertsitatea leku publikoa denik, eta beraz informazioa zabaltzea debekatu egiten dutela. Ander Iturriotzen hitzetan, «ikasleari informazio bakarra eman nahi zaio, eta ukatu egiten dute beste informazio mota bat adierazteko espazioa».

boei, kasu honetan komunitate unibertsitarioari garrantzi handiagoa ematen zaiolako. Joera hau argia da Informazio Zientzietako Fakultatean. Medikuntzan, aldiz, askoz indibidualis-

tagoak dira, eta korporatibismoak indar handiz funtzionatzen du bertan. Arazo kolektiboekin ez daude hain kontzientziatuta eta horregatik kartel gabezia hori».

Ander Iturriotzek dioenez, Unibertsitateak kanporako pentsamendu eta iritzi askatasunaren feudoa dela dirudi, baina hori «altsua» da, bere iritzi. «Unibertsitatea oso espazio autoritarioa da, gizarteari beste aurpegi bat saltzen dion arren. Kartel politikoen zentsura autoritarismo horren adibide bat baino ez da», dio.

Ander Iturriotzek nabarmendu duenez, unibertsitatea, kalea bezala, espazio bat da, bertan, kalean bezala, borroka politikoa bat dago eta jendeak espazio hori erabiltzen du borroka politikoa hori irabazi nahian. Horregatik, kartel asko dauden fakultateetan borroka politikoa puri purian dago, eta kartelik ez dauden fakultateetan, «edo ez dago borroka politikorik edo beste kanale batzuk dituzte borroka beren mezuak igortzeko», dio Soziologiako irakasleak. X

XOUSE SIMAL



Enfrentamentuak eta dimisioak EHU

Istilu larriak izan ziren ostegunean Leioako kanpusean, IAK antolatutako Borroka Egunaren baitan. Egurdiko 12.30etan hasitako manifestazio jendetsuaren ostean (3.000 bat pertsona), elkarri irainka hasi ziren Protecsako zinpeko goardiak eta zenbait ikasle errektoregoaren aurrean. Horren ondoren, istiluak hasi ziren. Ertzaintzak gomazko pilotak jaurti zituen erruz, eta ikasleek gogor erantzun zuten harriak. Istiluen ondotik, EHUko errektoretzarako hautagai bakarra zen Pedro Luis Ariasek bere hautagaitza bertan behera uztea deliberatu zuen. IAK mobilizazio gehiago iragarri ditu hurrengo asteotarako, eta EHUko zenbait sektorek hauteskundeak atzeratzeko eskatu dute.

zeraren zera

Ander Izagirre

Nafarroako Unibertsitateko ikaslea eta Abarrots taldeko kidea

Abarrots

■ Abarrots: 1. Zarata, batez ere ozena; iskanbila. 2. Haizeak zuhaitzetako adarrak kulunkatzen ditueneko hotsa. 3. Nafarroako Unibertsitateko ikasle euskaldunek sortutako taldea.

Laugarren urtez, Nafarroako Unibertsitate pribatuan euskararen abarrotsa zabaldu nahi dugu ikasle euskaldunok. Euskaldunak egon bazeuden lehenago ere, eta ugari gainera, baina kanpuseko bizitzan ez zen nabari. Sakabanatuta zebiltzan, elkar ezagutu gabe, eta horrela, noski, inork ez zuen euskaraz ezer antolatzen. Duela lau urte, Abarrots taldea jaio eta bere inguruan, pixkanaka, euskaldunak biltzen hasi ziren.

Aurten ere, martxa hartu du Abarrots-ek dagoeneko. Lehenengo bileretan —jende mordoa elkartu ginen— taldearen nondik norakoa zehaztu zen: Mafarroako Unibertsitatean euskara arloan dagoen hutsunea betetzea da Abarrotsen asmo eta ahalegin orokorra.

Abarrotsek euskararen erabilera bultzatu nahi du Iruñeko ikasleen artean, eta giro euskalduna sortu. Hori lortzeko asmoz, taldeak iragan urteko ekitaldiekin jarraituko du: idazle, politikoa eta euskal kulturgintzaren inguruko pertsonaien hitzaldiak, kantaldiak, antzerkia, olerki emanaldia... Iaz, beste ekintzen artean, Euskal Astea eta Mikel Markezzen kantaldia antolatu ziren, baita Xabier Arzalluz eta Patxi Zabaletaren konferentziak ere, aurten jarraipena izango duen politika hitzaldi zikloaren barnean.

Ekitaldiez gain, Abarrots-eko lan taldeek beste ardura batzuk ere badituzte. Kartelak eta beste erabiliz, euskaldunon multzo honen iharduna ezagutarazi nahi dugu unibertsitateko beste ikaslearen artean, beti ere talde irekia dela azalduz; euskalduna izan ala ez, edozeinen laguntza estimatzen baitugu.

Beste gai bat, zailena agian, Unibertsitate barnean euskararen erabilera normalizatzea da. Abarrotsen iritzi, Nafarroako unibertsitate pribatuak euskara ere erabili beharko luke; taldeak ahaleginak egingo ditu zentzu horretan urratsak emateko (has-teko, matrikulak eta bestelako papeleoa euskaraz egiteko aukera bultzatuz, adibidez).

Dena den, ekitaldiak eta helburuak ondo betetzea lortzen ez badugu, ez gara gehiegi larrituko. Izan ere, Abarrotsen asmoak aurrera atera ala ez, ziur izan Asterixen istorioetan bezala, urte bukaeran afari ederra ospatuko dugula: lehengo asteokan hirurogei lagun bildu eta primeran ibili ginen. ■